

Излия яд змий в слухи евины иногда: Христос же на древе крестнем источил есть миру жизни сладость. Темже взываем: помяни нас Господи, во царствии Твоем.

Стих: Блажени есте, егда поносят вам, и изженут, и рекут всяк зол глагол, на вы лжуще мене ради.

Во гробе яко смертен положен был еси, животе всех Христе: и вери адовы сломил еси: и воскрес во славе тридневен яко силен, всех просветил еси: слава Твоему востанию.

Стих: Радуйтесь и веселитесь, яко мзда ваша многа на небесех.

Господь воскрес тридневен из мертвых, дарова мир свой учеником, и сих благословив посла рек: вся приведите во царствие мое.

Слава: Троичен: Свет Отец, свет Сын и Слово, свет Дух Святы́й: но един свет три, един бо Бог в триех убо лицах, едином же естестве и начале, несеком и неслиян, сый превечный.

И ныне: Богородичен: Родила еси Сына и Слово Отчее, плотию нас ради, якоже весть богородице, сам. Темже Дево мати, обожени бывше тобою, радуйся, Тебе зовем, христианом упование.

ПО ВХОДЕ: ТРОПАРЬ ВОСКРЕСЕН, ГЛАС 7:

Разрушил еси Крестом Твоим смёрть,/ отверзл еси разбойнику рай:/ мирносицам плач преложил еси,/ и апостолом проповедати повелел еси:/ яко воскресл еси, Христе Бóже,/ даруй миру// вéлию мíлость.

И НЫНЕ: КОНДАК ВОСКРЕСНЫЙ, ГЛАС 7:

Не ктому́ держава смёртная/ возможет держати челове́ки:/ Христос бо снiде/ сокрушая и разоряя силы ея./ Связу́емь бывáет ад,/ пророцы согласно радуются:/ предста́, глаго́люще,/ спас сущим в véре, // изыдите véрнии в воскресéние.

Прокимен Литургии, глас 7: Господь крепость людям своим даст:/ Господь благословит люди Своя миром: